

ქალაქ ქუთაისის მუნიციპალიტეტის საკრებულოს  
გ ა ნ კ ა რ გ უ ლ ე ბ ა

ქალაქი ქუთაისი

2023 წელი

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა  
კომისიის ანგარიში 2023 წლის ცხრა თვეში გაწეული მუშაობის შესახებ

საქართველოს ორგანული კანონის „ადგილობრივი თვითმმართველობის კოდექსი“ 28-ე მუხლის მე-3 პუნქტისა და „ქალაქ ქუთაისის მუნიციპალიტეტის საკრებულოს რეგლამენტის დამტკიცების შესახებ“ ქალაქ ქუთაისის მუნიციპალიტეტის საკრებულოს 2014 წლის 14 ივლისის N1 დადგენილების დანართის 26-ე მუხლის მე-2 პუნქტის „ი“ ქვეპუნქტის საფუძველზე:

მუხლი 1. შეფასდეს დამაკმაყოფილებლად, ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიის ანგარიში 2023 წლის ცხრა თვეში გაწეული მუშაობის შესახებ.

(საკრებულოს ჯანდაცვისა და სოციალურ საკითხთა კომისიის ანგარიში 2023 წლის ცხრა თვეში გაწეული მუშაობის შესახებ წინამდებარე განკარგულებას თან ერთვის)

მუხლი 2. განკარგულება შეიძლება გასაჩივრდეს, კანონით დადგენილი წესით, ქუთაისის საქალაქო სასამართლოში (ვ.კუპრაძის ქუჩა №11), მისი გაცნობიდან ერთი თვის ვადაში.

მუხლი 3. განკარგულება ძალაში შევიდეს კანონით დადგენილი წესით.



მ.რიშვაშვილი

საკრებულოს ჯანდაცვისა და სოციალურ საკითხთა  
კომისიის თავმჯდომარე



მ.სვინტრაძე

საკრებულოს აპარატის მეთორმედი სტრუქტურული ერთეულის  
ხელმძღვანელი-იურიდიული განყოფილების უფროსი



მ.ვალიანი

საკრებულოს აპარატის უფროსის მოვალეობის შემსრულებელი

ქალაქ ქუთაისის მუნიციპალიტეტის  
საკრებულოს 2023 წლის -----

№ განკარგულების დანართი

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა  
კომისიის

ანგარიში 2023 წლის ცხრა თვეში გაწეული მუშაობის შესახებ

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისია თავის საქმიანობას ახორციელებს საქართველოს ორგანული კანონის „ადგილობრივი თვითმმართველობის კოდექსი“, ქალაქ ქუთაისის მუნიციპალიტეტის საკრებულოს რეგლამენტის, ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიის დებულებისა და სხვა ნორმატიული აქტების შესაბამისად.

კომისია შედგება თხუთმეტი წევრისაგან.

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისია თავისი კომპეტენციის ფარგლებში შეიმუშავებს და საკრებულოს წარუდგენს სამართლებრივი აქტების პროექტებს. საკრებულოს სხდომამდე, აქტიურად იხილავს მის კომპეტენციას მიკუთვნებულ საკითხებს და შესაბამის დასკვნებს წარუდგენს საკრებულოს ბიუროს სხდომას.

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისია აქტიურად ჩაერთო ქალაქ ქუთაისის მუნიციპალიტეტის მიმდინარე წლის ბიუჯეტის ფორმირებასა და ქუთაისის მუნიციპალიტეტის საშუალოვადიანი პრიორიტეტების დოკუმენტის განხილვაში. 2023 წლის ბიუჯეტის პარამეტრების ფორმირებისას კომისიამ ყველა სამუშაო შეხვედრაში მიიღო მონაწილეობა მერიის სამსახურებთან ერთად.

ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიამ ინტენსიური მუშაობა გასწია მისთვის მინიჭებული უფლებამოსილების განხორციელების მიზნით.

საკრებულოს ჯანდაცვისა და სოციალურ საკითხთა კომისია თავისი კომპეტენციის ფარგლებში, კომისიის სხდომებზე ისმენს მერიის შესაბამისი სამსახურების ყოველწლიურ ანგარიშებს გაწეული საქმიანობის შესახებ და ახორციელებს მონიტორინგს მათ მიერ გატარებულ დონისძიებებზე. მიმდინარე წელს კომისიამ რამდენჯერმე მოისმინა ინფორმაცია ქალაქ ქუთაისის მუნიციპალიტეტის მერიის პირველადი სტრუქტურული ერთეულის-სოციალურ საკითხთა სამსახურის მიერ, მიმდინარე წლის განმავლობაში გაწეული მუშაობის შესახებ.

ბოლო ცხრა თვის განმავლობაში ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიას ჩატარებული აქვს 7 სხდომა, განხილულია 7 საკითხი:

2023 წელს ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიამ იმსჯელა და განიხილა ჯანდაცვისა და სოციალური 31 ქვეპროგრამა. ამ ქვეპროგრამით დახმარებით სარგებლობენ სხვადასხვა კატეგორიის ბენეფიციარები, ესენია: შშმ პირები, მეორე მსოფლიო ომის ვეტერანები, ავღანეთის ომის ვეტერანები, 2004 წელს აგვისტოს ქართულ-ოსურ კონფლიქტსა და 2008 წლის 8 აგვისტოს ქართულ ომში დაღუპული მეომრების ოჯახები, 26 აპრილს, ჩერნობილის ატომური ელექტროსადგურის ლიკვიდაციის მონაწილე პირები, შშმ ვეტერანები, „60+“ ხანდაზმულთა კლუბის წევრები, იძულებით გადაადგილებული პირები, სოციალურად დაუცველი ოჯახები, მრავალშვილიანი ოჯახები, მარტოხელა მშობლები, დღის ცენტრით მოსარგებლე ბენეფიციარები. აღნიშნული ქვეპროგრამები ემსახურება მოქალაქეების ყოფითი და ყოველდღიური პრობლემების შემსუბუქებას.

2023 წლის ჯანმრთელობისა და სოციალური უზრუნველყოფის ბიუჯეტი შეადგენს 6 534 000 ლარს.

მიმდინარე წელს ცვლილებები შევიდა 2023 წლის ბიუჯეტით გათვალისწინებულ ჯანდაცვისა და სოციალურ შემდეგ პროგრამებში:

- 1 მედიკამენტებით უზრუნველყოფის პროგრამით მოსარგებლეთა სიას დაემატა საქართველოს ტერიტორიული მთლიანობისთვის დაღუპული მეომრების ოჯახის წევრებიც;
- 2 სამედიცინო დახმარების პროგრამაში მოხდა ცვლილება, გაიზარდა სარეიტინგო ქულის მაჩვენებელი 70000-დან 150001-ს ქულამდე, ბენეფიციართა სიას დაემატა ასაკის პენსიონერები; მარჩენალდაკარგული სტატუსის მქონე პირები; საქართველოს ტერიტორიული მთლიანობისთვის დაღუპული მეომრების ოჯახის წევრები. რადიოლოგიური და ლაბორატორიული დიაგნოსტიკის შემთხვევაში (ინვაზიური, არაინვაზიური) გაიზარდა პროგრამით მოსარგებლე ბენეფიციართა სია: 5 წლამდე ბავშვები; სოციალურად დაუცველი ოჯახების მონაცემთა ერთიან ბაზაში რეგისტრირებული 150001-მდე სარეიტინგო ქულის მქონე ბენეფიციარები; საქართველოს ტერიტორიული მთლიანობისთვის დაღუპული მეომრები, დაღუპული მეომრების ოჯახის წევრები; მარტოხელა მშობლის სტატუსის მქონე პირები და მათი შვილები. შეზღუდული შესაძლებლობის საკატუსის მქონე პირები; ავთვისებიანი სიმსივნით დაავადებული მოქალაქეები; გულ-სისხლძარღვთა სისტემით დაავადებული პაციენტები; გადაუდებელი სამედიცინო მომსახურების შემთხვევაში დახმარების მოცულობა განისაზღვრება საყოველთაო ჯანდაცვის პროგრამის ფარგლებში, თანაგადახდის წილის (0-დან 30%-მდე), საყოველთაო ჯანდაცვის პროგრამის პაკეტების შესაბამისად 70%-ით, არაუმეტეს 1000 ლარისა.

3 მრავალშვილიანი ოჯახების დახმარების ქვეპროგრამა ითვალისწინებს ისეთი მრავალშვილიანი ოჯახების, დახმარებას, რომელთაც ჰყავთ თუნდაც ერთი არასრულწლოვანი და ვერ სარგებლობენ სახელმწიფოს მიერ დადგენილი შეღავათით, უფინანსდებათ ელექტროენერჯის დანახარჯი.

4 აუტიზმის სპექტრის დარღვევის მქონე ბავშვთა რეაბილიტაციის ქვეპროგრამაში მოხდა ცვლილება და ბენეფიციართა ასაკი გაიზარდა 17 წლამდე. წლიური გეგმის შესაბამისად, თვეში 20-ზე ნაკლები სეანსის განსაზღვრის შემთხვევაში, გამოყენებითი ქვევითი ანალიზის თერაპიის სეანსების რაოდენობა ასაკობრივი ჯგუფების მიხედვით შეადგენს: 1) 2-7 წლის ასაკის ჩათვლით მოსარგებლეებისათვის – სეანსების ოდენობის არანაკლებ 70%-სა; 2) 8-11 წლის ასაკის ჩათვლით მოსარგებლეებისათვის – სეანსების ოდენობის არანაკლებ 60%-სა; 3) 12-17 წლის ასაკის ჩათვლით მოსარგებლეებისათვის – მულტიდისციპლინური გუნდის ინდივიდუალური შეფასების საფუძველზე, სეანსების რაოდენობა და ბავშვის თერაპიის სახე ყოველთვის უნდა თანხმდებოდეს მშობელთან/კანონიერ წარმომადგენელთან და აღნიშნული შეთანხმების დამადასტურებელი დოკუმენტი უნდა ინახებოდეს მომსახურების მიმწოდებელ დაწესებულებაში. მშობლის /კანონიერი წარმომადგენლის და მულტიდისციპლინური გუნდის შეთანხმების შემთხვევაში, სეანსების ჩატარება შესაძლებელია განხორციელდეს განსხვავებულ გარემოში, მაგ: სკოლა, საბავშვო ბაღი, სკვერი და ა. შ. თუ განსხვავებული გარემო არ მოითხოვს დამატებით ხარჯებსა და დროს. ინტერვენციის სიხშირე ცვალებადობს 20 საათამდე თვეში და მოიაზრებს ბენეფიციარისთვის სპეციალისტის მიერ პირისპირ ან ჯგუფურად განხორციელებული ინტერვენციის ოდენობას. ჩარევის ეფექტიანობა დამოკიდებულია ინტერვენციის სიხშირეზე, რასაც განსაზღვრავს ინდივიდუალური საჭიროება; ინტერვენციის ხანგრძლივობა, მისი გაზრდა/შემცირება/შეწყვეტა დამოკიდებულია ინდივიდუალურ საჭიროებასა და მზრუნველის გადაწყვეტილებაზე. ინტერვენციით მიღწეული შედეგებიდან გამომდინარე შესაძლოა ინტერვენციის სიხშირის, ხანგრძლივობის შემცირება/გაზრდა, ინტერვენციის ფორმის შეცვლა ან შეწყვეტა, რაც ხდება მზრუნველთან შეთანხმებით.

5 ადრეული ძუძუს აგრესიული „HER-2“ რეცეპტორ დადებითი დიაგნოზის მქონე პირების მედიკამენტით დახმარების პროგრამას დაემატა ახალი კომბინირებული მედიკამენტის „ფესგო“-ს დაფინანსება.

6 ფენილკეტონურიითა და ცელიაკით დაავადებულ პირთა დახმარების ქვეპროგრამის ბიუჯეტი გაიზარდა 50 000 ლარით.

ჯანდაცვისა და სოციალურ საკითხთა კომისიამ სამუშაო შეხვედრა გამართა ქალაქში არსებული პოლიკლინიკების ხელმძღვანელებთან, შემუშავდა კითხვარი ბავშვებში პირველადი იმუნოდეფიციტის დიაგნოსტიკასთან დაკავშირებით და ველოდებით სტატისტიკას რამდენი მოზარდია აღრიცხული

ზემოაღნიშნული ნოზოლოგიით, რათა მოხდეს დახმარება მათთვის საჭირო შემდგომი კვლევების დაფინანსებაში.

შენიშვნა: წინამდებარე ანგარიში, ქალაქ ქუთაისის მუნიციპალიტეტის საკრებულოს 23-ე სხდომაზე, მ/წლის 27 სექტემბერს წარმოდგენილ იქნება ქალაქ ქუთაისის მუნიციპალიტეტის საკრებულოს ჯანდაცვისა და სოციალურ საკითხთა კომისიის თავმჯდომარის, მამუკა რიყამაძის მიერ.

ჯანდაცვისა და სოციალურ საკითხთა  
კომისიის თავმჯდომარე



მამუკა რიყამაძე